

## *Missingiut uunga*

Peqqussut nr. \*\*\*

### **Center for Cybersikkerhed pillugu inatsisip Kalaallit Nunaannut atuutsinneqalernissaanut peqqussut**

(UAGUT MAGRETHE APPAAT, Danmark-ip Dronninngia Guutip Saammaassineratigut,  
uppernarsarparput):

Center for Cybersikkerhed (internetikkut isumannaassuseq) pillugu inatsimmi nr. 713-imi 25. juni 2014-imeersumi § 26<sup>1</sup>, Center for Cybersikkerhed pillugu inatsisip allanngortinneranik inatsimmi nr. 443 18. maj 2018-imeersumi § 3<sup>2</sup> aammalu Center for Cybersikkerhed pillugu inatsisip allanngortinneranik inatsimmi nr. 555 7. maj 2019-imeersumi § 3<sup>3</sup> naapertorlugit aalajangersarneqarpooq, inatsit Kalaallit Nunaannut atuutilissasoq tulliuttuni allanneqarsimasutut:

#### Kapitali 1

##### *Suliassat aamma aaqqissuussaaneq*

**§ 1.** Center for Cybersikkerhed-ip suliassaraa annertuumik ikorfartussallugu isumannaallisaanermut paasissutissiinermut- aamma attaveqaqtigiinnermut atortorissaarutit isumannaatsuunissaat, atortut tamakkua inuiaqtigiinnut pingaaruteqarmata pinngitsoorneqarsinnaanatillu.

*Imm. 2.* Forsvarets Efterretningstjeneste-p (sakkutut immikkut paasiniaasartui) Center for Cybersikkerhed-i ilagivaa.

#### Kapitali 2

##### *Nassuaatit*

**§ 2.** Inatsit imatut paasineqassaaq:

- 1) Isumannaallisaanermi pisoq: Pisoq, ajortumik sunniuteqartoq imaluunniit nalilerneqartoq sunniuteqarsinnaasutut ammanermut, tatiginassutsimut imaluunniit data-nut illersugaasunut isertuussanullu, paasissutissiinermut periutsinut, qarasaasiatigut attaveqaatinut imaluunniit kiffartuussissutinut digital-iusunut.
- 2) Data-t ataatsimoortitat: Attaveqaqtigiinnerup imarisaa, kiffartuussivikkut attaveqaatikkulluunniit digital-iusumik ingerlanneqartoq.
- 3) Data-t ingerlaarnerinut takussutissat: Data-t ataatsimoortitat ingerlatinnissaat siunertaralugu suliarineqartut.

<sup>1</sup> "Aalajangersagaq imatut oqaasertaqarpooq: "Inatsit Savalimmiunt Kalaallit Nunaannullu atuutinngilaq, kunngilli peqqussutaatigut tamakkiisumik ilannakortumilluunniit Savalimmiunt Kalaallit Nunaannullu atuutsinneqalersinnaalluni, Savalimmiuni Kalaallit Nunaannilu pissutsinut naapertuutumik."

<sup>2</sup> "Aalajangersagaq imatut oqaasertaqarpooq: "Inatsit Savalimmiunt Kalaallit Nunaannullu atuutinngilaq, kunngilli peqqussutaatigut tamakkiisumik ilannakortumilluunniit Savalimmiunt Kalaallit Nunaannullu atuutsinneqalersinnaalluni, Savalimmiuni Kalaallit Nunaannilu pissutsinut naapertuutumik."

<sup>3</sup> "Aalajangersagaq imatut oqaasertaqarpooq: "Inatsit Savalimmiunt Kalaallit Nunaannullu atuutinngilaq, kunngilli peqqussutaatigut tamakkiisumik ilannakortumilluunniit Savalimmiunt Kalaallit Nunaannullu atuutsinneqalersinnaalluni, Savalimmiuni immikkut pissutsinut aammalu Kalaallit Nunaanni immikkut pissutsinut naapertuutumik."

- 4) Data-t uninngasuutit: Data-t, server-ini uninngasuutigineqartut, cloudtjenester-ini, qarasaasiani, toqqorsivinni, netværk-itigut atassusikkani, mobil-ini assigisaanilu.
- 5) Malware: Data-t ingerlaernerinut takussutissat, Data-t ataatsimoortitat, Data-t uninngasuutit, immikkut ittumik pasineqartut data-t saassussisumit atorneqarsimasut siunertalaralu paasissutissiarnermi isumannaallissaanermik akornusiinissaq.
- 6) Paasissutissat inunnut tunngasut: Paasissutissat suulluunniit inummuk kinaassuserseriikkamut imaluunniit kinaassusersineqartussamat tunngassuteqartut.
- 7) Suliarinninneq: Iliuuserineqartoq sunaluunniit imaluunniit iliuuserineqartut tulleriaat suulluunniit data-nik suliarinninneq elektronisk-iusoq imaluunniit elektronisk-iunngitsq atorlugu.

### Kapitali 3

*Center for Cybersikkerhed-ip isumannaatsumik attaveqaqatigiinnermik kiffartuussinera*

**§ 3.** Center for Cybersikkerhed-ip isumannaatsumik attaveqaqatigiinnermik kiffartuussinermimi suliassaraa, pisortaqarfinni suliffeqarfinnilu ilaasuni nassaarnissaq, misissuinissaq aamma ikuunnissaq pisuni isumannaatsuunissamat tunngasuni, tak. imm. 2 aamma 3.

*Imm. 2.* Namminersorlutik Oqartussat qullersaqarfii oqartussaqarfiliu noqqaassuteqarnikkut isumannaatsumik attaveqaqatigiinnermik kiffartuussinermut ilanngunneqarsinnaapput.

*Imm. 3.* Kommunit suliffeqarfilli, inuiaqatigiinnut pingaaruteqartut, noqqaanikkut isumannaatsumik attaveqaqatigiinnermik kiffartuussinermut ilanngunneqarsinnaapput, Center for Cybersikkerhed-ip nailerpagu, ilanngunneqarneq inuiaqatigiinni isumannaatsumik attaveqaqatigiinnermут iluaqtaassasoq.

*Imm. 4.* (Kalaallit Nunaannut atuutsinnejalissanngilaq)

*Imm. 5.* Imm. 2 aamma 3 malillugit Forsvarsministeri ilanngunneqarnissamat atugassaritaasut pillugit maledruagassanik aalajangersaasinnaavoq.

### Kapitali 4

*Inatsisini tunngaviusuni § 72 malillugu akuliunneq*

**§ 4.** Center for Cybersikkerhed-ip isumannaatsumik attaveqaqatigiinnermik kiffartuussinermi eqqartuussivimmuit akuerineqaqqarani data-t ingerlaernerinut takussutissat, data-t ataatsimoortitat aamma data-t uninngasuutit pisortaqarfinni suliffeqarfinnilu ilaasuni pigineqartut suliarisinnaavai, tak. § 3, imm. 2 aamma 3, siunertalaralu inuiaqatigiinni isumannaatsumik attaveqaqatigiinnermik kiffartuussinissaq.

**§ 5.** Isumannaassusermut tunngatillugu tunngavilimmik pasitsaassissoqaraangat Center for Cybersikkerhed-ip isumannaatsumik kiffartuussinerminut atatillugu eqqartuussivimmuit

akuerineqaqqaarani, data-t uninngasuutit kiffartuussinermut attaveqanngitsut suliarisinnaavai pisortaqarfinnngaanneersut imaluunniit suliffeqarfinninggaanneersut, imaattoqarpat

- 1) pisortaqarfiup imaluunniit suliffeqarfiup Center for Cybersikkerhed ikiorneqarnissamik noqqaaffigisimappagu, data-llu uninngasuutit isumannaatsumik attaveqaqtigiinnermik kiffartuussisunut tunniussimappagit aammalu suliariinissaannut allakkatigut akuerisimalluni aamma
- 2) suliariinninneq nalilerneqarpat, inuiaqtigiinnut isumannaatsumik attaveqaqtigiinnermik qaffasissumik kiffartuussinermut naapertuttoq.

**§ 6. § 3, imm. 2 aamma 3 naapertorlugu** Center for Cybersikkerhed-ip isumannaatsumik attaveqaqtigiinnermik kiffartuussinermut ilaasunik isumaqtigiissuteqarfegareernermigut pisortaqarfinni imaluunniit suliffeqarfinni isumannaassutsimut navialisitsisumik pisumik pasitsaasaqarnermigut eqqartuussivik aqqutigeqqaarnagu mattussisinnaavoq, allanguisinnaavoq imaluunniit data-t ingerlaarnerinut takussutissat aamma data-t ataatsimoortitat allatigut ingerlatissinnaavai, pisortaqarfimmi imaluunniit suliffeqarfimmi attaveqaatitigut aalajangersimasutigut aallaaveqartumik ingerlatsinikkut, inuiaqtigiinni isumannaatsumik attaveqaqtigiinmissaq siunertaralugu.

*Imm. 2. Data-t uninngasuutit eqqarsaatigalugit imm. 1 assinganik atutissaaq pisortaqarfinni aamma suliffeqarfinni. Isumannaassutsimut navialisitsisumik pisumik pasitsaasaqarnermigut isumannaatsumik attaveqaqtigiinnermik kiffartuussisup pisortaqarfik imaluunniit suliffeqarfik isumaqtigiissuteqarfigeriarlugu data-t uninngasuutit piiarsinnaavai isumannaassutsimut navialisitsisut.*

**§ 6 a.** Isumannaatsumik attaveqaqtigiinnermik kiffartuussinermi pisortaqarfifit imaluunniit suliffeqarfifit siunnersornissaat eqqarsaatigalugu Center for Cybersikkerhed-i teknikkikkut isumannaallisaaniarluni misissuisinnaavoq, pisortaqarfifit imaluunniit suliffeqarfifit pineqartut tamanna pillugu Center for Cybersikkerhed-imut noqqaassuteqarsimappata.

*Imm. 2. Pisortaqarfinniit imaluunniit suliffeqarfinniit noqqaaffigineqarnikkut Center for Cybersikkerhed-i isumannaatsumik attaveqaqtigiinnermik kiffartuussinerminut atatillugu misissuisinnaavoq*

- 1) eqqartuussivimmii akuerineqaqqaarani pisortaqarfifit aamma suliffeqarfifit data-t ingerlaarnerinut takussutissaataat, data-t ataatsimoortitaat aamma data-t uninngasuutaat suliarisinnaavaat,
- 2) pisortaqarfifit imaluunniit suliffeqarfifit data-taat suliarisinnaavaat pineqartut sulisuinit aamma innuttaasunit aaneqarsinnaasut aamma
- 3) pinaveersaartitsilluni suliniutinik aallartitsisinnaavoq suliffeqarfinni pisortaqarfinnilu, aamma taakkua immikkoortortaqarfiini, sulisunut aalajangersimasunut tunngatillugu.

**§ 6 b.** Saassussisut periaasiinik aamma atortuinik ilisimasaqarnerulerumalluni Center for Cybersikkerhed-i piviuusaartitsilluni saassunneqarsinnaasunik ikkussisinnaavoq, ikkussinerit taamaattut nalilerneqarpata inuiaqtigiinni qaffasissumik isumannaassusilimmik attaveqaqtigiinnermik kiffartuussinermut iluaqtaasinnaasut.

*Imm. 2.* Piviusuusaartitsilluni saassunneqarsinnaasoq data-nik inissiinikkut saassunneqarpat, taava Center for Cybersikkerhed-i eqqartuussivimmiit akuerineqaqqarani data-nik inissitanik suliariinnisinnavaoq siunertalarugit paasinninnissaq, misissuinissaq aammalu isumannaatsumik attaveqaqtigiainnermik kiffartuussinermut atatillugu ilanggussinissaq imaluunniit innuttaasunut, pisortaqarfinnut suliffeqarfinnullu paasitsinissaq, navialisitsisinnaasumik pisoqarsimaneranik.

**§ 6 c.** Isumannaatsumik attaveqaqtigiainnermik kiffartuussinermi navialisitsisinnaasumik pisoqarpat taava Center for Cybersikkerhed-i pinngitsoortitsiniarluni, unitsitsiniarluni imaluunniit killiliiniarluni iliuuseqarsinnaavoq domæne-t atuinikkut imaluunniit assingusunik atuinikkut, saassussisuusumit atorneqartunik imaluunniit atorneqarsimasunik, aatsaalli taakkua nalunaarsorneqarsinnaagaangata.

*Imm. 2.* Center for Cybersikkerhed-ip imm. 1 naapertorlugu it-kkut atortulersuutnik atuinermi data-nik inummik pingajuusumit tigusaqaruni, taava eqqartuussivimmiit akuerineqaqqarani data-t tiguneqartut suliariisinnavaai siunertalarugu paasinninnissaq, misissuinissaq imaluunniit ilanggussinissaq aammalu pisortaqarfinni suliffeqarfinnilu isumannaatsuunissami qularnarunnaartsinissaq imaluunniit innuttaasunut, pisortaqarfinnut suliffeqarfinnullu isumannaatsuunissaq pillugu pisoqarsimaneranik paasitsinissamut.

#### Kapitali 4 a

##### *Saqquumiussaq*

**§ 7.** Isumannaatsumik attaveqaqtigiainnermut kiffartuussinermi navialisitsisinnaasut pillugit ulajaasinnaaneq pillugu inatsisitigut pisinnaatitaasumut imaluunniit inummut peqqussuteqartoqarsinnaavoq takutitsinissamut imaluunniit paassisutissanik tunniussinissamut e-mail konto-mik, ip-adresse-mik imaluunniit domæne-mik atusoq pillugu, paassisutissanut tunngatillugu inuk pineqartoq atuisuusutut paasineqarpat.

*Imm. 2.* Imm. 1 malillugu peqqussutigineqartoq nalunaarutigineqassanngilaq, iliuuserineqartoq suliap ingerlanneqarneranut akornutaasinnaappat aamma iliuuserineqartup nassatarissappagu annaasaqataalluni imaluunniit akornutaalluni.

**§ 7 a.** § 7 naapertorlugu saqqumiussinissamik peqqussut Kalaallit Nunaanni Eqqartuussivimmiit aalajangerneqassaaq Center for Cybersikkerhed-ip piumasaqarnera malillugu.

*Imm. 2.* Aalajangiineq malillugu eqqartuussut inernilerneqassaaq. Eqqartuussinerit matoqqasumik ingerlanneqassapput. Eqqartuussinerup inernilernerani suliamut tunngatillugu pisimasut allanneqassapput, tassami ikiuutaassalluni, akulunnermi piumasaqaatigineqartut naammassineqarsimassasut. Aalajangilluni inerniliineq qaqugukkulluunniit allanngortinneqarsinnaavoq.

**§ 7 b.** § 7 naapertorlugu eqqartuussivik saqqumiusseqqusilluni aalajangiinnginnermini, inuk paassisutissanik pigisaqartup oqaaseqarnissaanut periarfissiissaq.

*Imm. 2.* Nunani allani pissaaneqarneq imaluunniit naalagaaffiup isumannaatsuunissaa pineqartillugit, eqqartuussivik imaluunniit Center for Cybersikkerhed peqqusisinnavaaq, paasissutissanik pigisaqartoq, § 7 malillugu takutitsisussaq imaluunniit tunniussisussaq, suliam ilisimasani pillugit nipangersimasussaatitaavoq. Peqqusutigineqartoq suliffeqarfimmur nalunaarutigineqarpat, tamanna aamma inatsisitigut pisinnaatitaasumut pisussaatitaasumullu imaluunniit inummut, suliffeqarfimmur attuumassuteqarnini tunngavigalugu suliamut tunngatillugu ilisimasaqalersimasumut aamma atutissaaq.

*Imm. 3.* Imm. 2 malillugu peqqusut Cyber for Cybersikkerhed-imit imaluunniit eqqartuussivimmit atorunnaarsinneqarsinnaavoq. Center for Cybersikkerhed peqqusutigineqartup atorunnaarsinnissaanut akerliuppat taava tamanna akerliuneq eqqartuussivimmut saqqummiunneqassaaq.

**§ 7 c.** Kalaallit Nunaanni eqqartuussisarnermik inatsimmi malittarisassat, kapitali 30-mi eqqartuussiviit suliassinneqartussat pillugit aamma kapitali 43-mi eqqartuussivinnut quillunerusunut ingerlatitseqqinnissamut periarfissat aamma atuupput.

**§ 7 d.** Center for Cybersikkerhed paasissutissanik pigisaqartumut saaffiginninnikkut kissaateqassaaq, aalajangiiluni inerniliineq eqquutsinneqassasoq. Eqqartuussiviup aalajangiiluni inerniliussaa piumasaqaateqarnikut pineqartumut takutinnejqassaaq. Pineqartup inatsisitigut tunngaveqarani peqqusutigineqartoq akuersaanngippagu, Kalaallit Nunaanni eqqartuussisarnermik inatsimmi § 150-mi malittarisassat malinnejqarlutik atuutsinneqassapput.

## Kapitali 5

*Inatsisinut allanut pissutsit, inummut paasissutissanik suliarinninnerit il. il.*

**§ 8.** Center for Cybersikkerhed-ip suliaqartarnera, pisortat ingerlatsinerat pillugu paasitinnejqarsinnaatitaaneq pillugu inatsimmi ilaatinnejqanngilaq, inatsimmili § 6 ilanngunnagu. Aamma Center for Cybersikkerhed-ip suliaqartarnera, pisortat ingerlatsinerat pillugu inatsimmi kapitali 4-miit 6-imut ilaatinnejqanngilaq aamma inunnut paasissutissanik suliarinnitarneq pillugu inatsimmi ilaannngilaq.

*Imm. 2.* Forsvarsministeri aalajangiisinnavaaq, inunnut paasissutissanik suliarinnitarneq pillugu inatsit, pisortat ingerlatsinerat pillugu paasitinnejqarsinnaatitaaneq pillugu inatsit aamma pisortat ingerlatsinerat pillugu inatsimmi kapitali 4-miit 6-imut tamakkerlugit imaluunniit ilaannakortumik Cyber for Cybersikkerhed-ip atorsinnaagai, makkua pineqartillugit

- 1) isumannaatsumik attaveqaqatigiinnerut kiffartuussinermut ilanngunniarlutik noqqaasut pillugit center-ip suliai, tak. § 3, imm. 3 aamma 4.
- 2) (Kalaallit Nunaannut atuutsinneqalissanngilaq)
- 3) (Kalaallit Nunaannut atuutsinneqalissanngilaq)

*Imm. 3.* Center for Cybersikkerhed-imi inunnut paasissutissanik suliarinninneq sunaluunniit kapitali 6-imi ilaatinnejqarpoq. Kapitali 4 naapertorlugu data-nik suliaqarnermi, inunnut paasissutissat ilanngullugit, taava suliarinninnermi malittarissassat immikkut ittut kapitali 7-imiittut aamma atutissapput.

**§ 8 a.** Paasissutissat, inatsimmi uani pineqartut, toqqorsivimmut nuunneqarsinnaapput danskit allagaateqarnermut inatsisaata malittarisassai malillugit.

*Imm. 2. Center for Sikkerhed-ip paasissutissanik nuussinissaanut Forsvarsminister-i malittarisassanik aalajangersaasinnaavoq, toqqortaatigineqartussanik, Rigsarkiv-imut aammalu center-ip paasissutissanik taama ittunik toqqortateqarneranut, Rigsarkiv-imut nuussisinnaanerup tungaanut.*

**§ 8 b.** Pisortaqaqarfii aamma suliffeqarfii Center for Cybersikkerhed-imik suleqateqarnerat killilersugaanngilaq nipangiussisussaataaneq pillugu inatsisitigut aalajangersakkatigut imaluunniit inatsisitigut tunngavilimmik, takuuk imm. 2.

*Imm. 2. Nipangiussisussaataaneq pillugu inatsisitigut aalajangersakkanik imaluunniit inatsisikkut tunngavilinnik Forvarsministeri malittarisassanik aalajangersaasinnaavoq, inatsisini pineqartuni pisortaqaqarfii aamma suliffeqarfii Center for Cybersikkerhed-imik suleqateqartarneranut tunngatillugu.*

## Kapitali 6

### *Center for Cybersikkerhed-imi inunnut paasissutissanik suliariinnittarneq*

**§ 9.** Center for Cybersikkerhed-ip inunnut paasissutissanik katersinera siunertanut erseqqarissumik taaneqartunut tutsuiginartunullu atussaaq aammalu kingusinnerusukkut paasissutissanik suliariinninneq siunertanut taakkununnga uniutissangilaq. Inunnut paasissutissanik kingusinnerusukkut suliariinninnerit, taamaallaat oqaluttuarisaanermut, nalunaarsuusiornermut imaluunniit ilisimatusarnermut tunngasut, paasissutissanik katersuinermi siunertarisanut assortuinngitsuuusutut nalilerneqarput.

*Imm. 2. Inunnut paasissutissat, suliariineqartut, pineqartumut attuumassuteqartuussapput naammattuussallutillu aammalu annertunerussanatik, paasissutissanik katersuinermi siunertarineqartut eqqarsaatigalugit, aamma paasissutissanik kingusinnerusukkut suliariinninnissami.*

**§ 10.** Inunnut paasissutissanik suliariinninneq taamaallaat pisinnaavoq, imaattoqarpat

- 1) inuup pineqartup erseqqarissumik suliariinninnissaq akuerippagu,
- 2) isumaqatigiissutaasimasoq piviusunngortinniarlugu suliariinninneq pisariaqarpat, inuup pineqartup peqataaffigisaa, imaluunniit pineqatissiissut naammassineqarnissaannut, inuup pineqartup piumasaqaateqarneratigut pisut isumaqatigiissutaasimasoq sioqqullugu,
- 3) suliassap inuiaqatigiinnut pingaarutilip naammassinissaanut suliariinninnissaq pisariaqarpat,
- 4) naalagaaffiup isumannaatsuunissaa illersorniarlugu suliariinninnissaq pisariaqarpat imaluunniit naalagaaffiup illersorneqarnissaanut suliariinninnissaq pisariaqarpat,
- 5) suliamic ingerlatsisinhaanissaq siunertaralugu suliariinninnissaq pisariaqarpat, pisortaqaqarfii tamanut ammasumik ingerlatsineranni, Center for Cybersikkerhed-i imaluunniit inuup pingajuusoq peqquneqarsimappat paasissutissat ingerlateqqinnissaannut,

- 6) suliariinninneq pisariaqarpat, Center for Cybersikkerhed-ip imaluunniit inuk pingajuusup, paasissutissanik ingerlatsitsivigineqartut, pisinnaatitaallutik soqutigisisami malersornissaannut, aamma inuup pineqartup soqutigisatigut qaangiinnginnissaa pillugu imaluunniit
- 7) suliariinninneq inuit pillugit paasissutissanut tunngasuuppat, kapitali 4-imi ilaatinneqartutut.

**§ 11.** Race, inuiaassuseq, politikki, upperisat, filosofi tunngavigalugu upperisat, suliffeqarnermut atatillugu peqatigiifinnut ilaasortaaneq aamma peqqissutsimut kinguaassiornermullu paasissutissanik inummut tunngasunik suliariinnittoqaqqusaanngilaq.

*Imm. 2. Imm. 1-imi aalajangersagaq atuutsinnejqassanngilaq, imaappat*

- 1) inuk pineqartoq taamatut suliariinnissamut erseqqarissumik akuersisimappat,
- 2) suliariinninneq inuup pineqartup nammineq tamanut saqqummiussimasaanut tunngappat,
- 3) suliariinninneq pisariaqarpat, eqqartuussinermi piumasaqaatit aalajangersarnissaannut, atuutsinnejqarnissaannut imaluunnit illorsorneqarnissaannut,
- 4) suliariinninneq naalagaaffiuq isumannaatsuunissaanut pisariaqarpat imaluunniit nalagaaffiuq illorsornissaanut,
- 5) suliariinninneq inunnut paasissutissanut tunngassuteqarpat, kapitali 4-mi ilagitinneqartutut.

**§ 12.** Paasissutissanik pillarneqaataasinnaasunik, paasissutissanik inuuniarnikkut ajornartorsiuteqarnermut tunngasunik allanillu paasissutissanik inummut namminermut tunngasunik § 11-mi, imm. 1-imi taaneqarsimangitsunik suliariinnittoqaqqusaanngilaq, aatsaallu paasissutissanik taamaattunik suliariinnittoqarsinnaalluni Center for Cybersikkerhed-ip suliassaasa ingerlannejqarnissaannut tamakkua suliarisariaqarpata.

*Imm. 2. Inunnut paasissutissatut Imm. 1-imi taaneqartut ingerlateqqinnejqeqqusaanngillat.*

Paasissutissanilli ingerlatitseqqiisoqarsinnaavoq, imaattoqarpat

- 1) inuk pineqartoq ingerlatitseqqiinissamut erseqqarissumik akuersisimappat,
- 2) inuttut soqutigisat imaluunniit tamat soqutigisat pillugit ingerlatitseqqiineq pippat, soqutigisat pineqartut pingaaruteqassusaannik qaangiisoqarneratigut, paasissutissat isertuussassatut nalilerneqarsimasunik, tassani ilagitillugu inuup pineqartup eqqarsaatiginissaa paasissutissanut tunngatillugu,
- 3) ingerlatitseqqiineq pisortaqarfiiit suliaasa ingerlannissaannut pisariarqarpat imaluunniit ingerlatitseqqiineq aalajangiinissamut pisariaqarpat, pisortat aalajangiiffigisassaannut,
- 4) ingerlatitseqqiineq inuup imaluunniit suliffeqarfiup suliaasa pisortatigoortuusut ingerlannejqarnissaannut pisariaqarpat imaluunniit
- 5) ingerlatitseqqiineq inunnut paasissutissanut tunngassuteqarpat, kapitali 4-mi ilagitinneqartutut.

**§ 13.** Paasissutissanik inunnut tunngasunik suliariinninneq imatut aaqqissuunneqassaaq, paasissutissanik pisarialinnik malinnaalluni suliariinninnikkut. Aamma nakkutiginnitoqassaaq qulakkeerniarlugu, paasissutissanik inunnut tunngasunik eqqunngitsunik imaluunniit paatsuunganartunik suliariinnittoqannginnissaa.

Paasissutissat inunnut tungasut eqqunngitsut imaluunniit paatsuunganartut piaarnerpaamik piiarneqassapput imaluunniit eqqortunngorlugit aaqqinnejqassapput.

**§ 14.** Paasissutissat inunnut tunngasut katarsorneqartut imatut toqqorneqassangillat, inuit pineqartut pisariaqanngitsumik kinaassusersisinnanaangorlugit piffissap sivisujaap iluani, paasissutissanik suliarinninnermi piffissaq atorneqartoq siunertamut naapertutissammatt.

## Kapitali 7

### *Misissueqqissaarneq, ingerlatitseqqiineq aamma data-nik piiaaneq*

**§ 15.** Center for Cybersikkerhed-ip automatiseerikkamik data-t ingerlaarnerinut takussutissat, data-t ataatsimoortitat aamma data-t uninngasuutit pillugit mississueqqissaarsinnaavoq, kapitali 4-mi taaneqartunik. Manuelimik data-nik misissueqqissaarneq, kapitali 4-imti taaneqartunik, pisinnaavoq imatut pisoqarpat aatsaat:

- 1) Nassaarniarluni, misissueqqissaarniarluni aamma isumannaallisaalluni pisariaqtitsinikkut data-t ingerlaarnerinut takussutissat misissorneqarsinnaapput.
- 2) Tunngavilimmik pasitsaassaqrnermi isumannaallisaalluni pisoq pillugu paasisaqarumalluni pisariaqtitsinerlu naapertorlugu data-t ataatsimoortitat aamma data-t uninngasuutit misissoqqissaarneqarsinnaapput.
- 3) § 6 a malillugu teknikkikku isumannaallisaalluni misissuinermi data-t ingerlaarnerinut takussutissat, data-t ataatsimoortitat aamma data-t uninngasuutit misissoqqissaarneqarsinnaapput, misissuinermi pineqartumi pisariaqtitsineq naapertorlugu.
- 4) Isumannaatsumik attaveqaqtiginnermik kiffartuussinermut atatillugu ingerlaavartumik Forvarsministeriap ataani suliaqarnermi, attaveqaqtiginnermilu paasissutissanik immikkoortitanik imaqartunik nakkutilliinermi, data-t ingerlaarnerinut takussutissat aammalu data-t ataatsimoortitat, Forsvarsministeriamut aallaaveqartumik attuumassuteqartumiit pisortaqarfinningaanneersut misissoqqissaarneqarsinnaapput.
- 5) Teknikkikku misileraanermi aamma isumannaatsumik attaveqaqtiginnermik kiffartuussinermut atatillugu kalerrisaarutinik naleqqussaanermi data-t ingerlaarnerinut takussutissat aammalu data-t ataatsimoortitat misissoqqissaarneqarsinnaapput misileraanissamut piareersaanermut atatillugu. Misileraaneq taamaatinneqassaaq, misileraanerup siunertaa anguneqarpat. Misissueqqissaarneq taamaallaat teknikkikku ingerlatsinermut- aamma ineriaortitsinermut Center for Cybersikkerhed-ip sulisuinit ingerlanneqarsinnaavoq. Paasissutissat misileraanermiinngaannit aallaaveqartut sulisunut allanut ingerlateqqinneqassangillat. Taamaattoq malware-t (software-t ajortut) teknikkikku misileraanermi piaarinaatsoornikkut nassaarineqartut, Center for Cybersikkerhed-ip sulisuinit misissoqqissaarneqarsinnaapput nr. 2 malillugu.

**§ 16.** Center for Cybersikkerhed-ip data-t ingerlaarnerinut takussutissat, kapitali 4-mi taaneqartut ukununnga ingerlateqqissinnaavai:

- 1) Politiinut, isumannaatsumik attaveqaqtiginnermik kiffartuussinermut atatillugu tunngavilimmik pasitsaassisooqarpat.
- 2) Pisortaqarfimmumt imaluunniit suliffeqarfimmumt, data-nut pineqartunut aallaaveqartumik attuumassuteqartunut, isumannaatsumik attaveqaqtiginnermik kiffartuussinermut atatillugu

tunngavilimmik pasitsaassisooqarpat, aammalu Center for Cybersikkerhed-ip sulianik ingerlatsinissaanut tamanna pisariaqartinneqarpat.

- 3) Danskit pisortaqaarfii, elektroniskiusumik attaveqaqatigiinnermut kiffartuussiviit tamanut ammasut aamma – kiffartuussiviit aamma attaveqaqatigiinnermik kiffartuussiviit allat aamma pisortaqaarfiiit suliffeqarfiillu Center for Cybersikkerhed-ip kalerrisaarutinik nassiuusineranut atatillugu, tunngavilimmik isumannaallisaanermut tunngatillugu pasitsaassisooqarsimappat, kiisalu tamanna Center for Cybersikkerhed-ip sulianik ingerlatsinissaanut pisariaqartinneqarsimappat.

*Imm. 2. Center for Cybersikkerhed-ip data-t ataatsimoortitat, kapitali 4-mi taaneqartut ukununnga ingerlateqqissinnaavai:*

- 1) Politiinut, isumannaatsumik attaveqaqatigiinnermik kiffartuussinermut atatillugu tunngavilimmik pasitsaassisooqarpat.
- 2) Pisortaqaarfimmut imaluunniit suliffeqarfimmut, data-nut pineqartunut aallaaveqartumik attuumassuteqartunut, isumannaatsumik attaveqaqatigiinnermik kiffartuussinermut atatillugu tunngavilimmik pasitsaassisooqarpat.

*Imm. 3. Center for Cybersikkerhed-ip data-t uninngasuutit, kapitali 4-mi taaneqartut ukununnga ingerlateqqissinnaavai:*

- 1) Politiinut, isumannaatsumik attaveqaqatigiinnermik kiffartuussinermut atatillugu tunngavilimmik pasitsaassisooqarpat.
- 2) Pisortaqaarfimmut, suliffeqarfimmut imaluunniit inummut, data-nut pineqartunut aallaaveqartumik attuumassuteqartumut, isumannaatsumik attaveqaqatigiinnermik kiffartuussinermut atatillugu tunngavilimmik pasitsaassisooqarpat.
- 3) Allanut isumannaatsumik attaveqaqatigiinnermik kiffartuussisunit, Center for Cybersikkerhed-ip data-t pineqartut tigusimappagit § 6 b imaluunnit § 6 c naapertorlugit.

*Imm. 4. Center for Cybersikkerhed-ip malware-t, kapitali 4-mi taaneqartut ukununnga ingerlateqqissinnaavai:*

- 1) Politiinut.
- 2) Pisortaqaarfimmut suliffeqarfimmulluunniit data-nut pineqartunut aallaaveqartumik attuumassuteqartumut.
- 3) Danskit pisortaqaarfii, elektroniskiusumik attaveqaqatigiinnermut kiffartuussiviit tamanut ammasut aamma – kiffartuussiviit aamma attaveqaqatigiinnermik kiffartuussiviit allat aamma pisortaqaarfiiit suliffeqarfiillu, Center for Cybersikkerhed-ip kalerrisaarutinik nassiuusineranut atatillugu.

*Imm. 5. Imm. 1-miit 4-mut atorneqassangillat data-nut teknikkikku*  
misileraanerninngaanneersunut aammalu isumannaatsumik attaveqaqatigiinnermik  
kiffartuussinermi kalerrisaarutinik naleqqussaanernut. Center for Cybersikkerhed-ip kisimiilluni data-t taamaattut ingerlateqqissinnaavai imatut pisoqaraangat:

- 1) Malware, nalaatsornerinnarmik paasineqartut, politiinut ingerlateqqinnejarsinnaapput, pisortaqaarfimmut imaluunniit suliffeqarfimmut, data-nut pineqartunut attuumassuteqartumut, danskit pisortaqaarfii, elektroniskiusumik attaveqaqatigiinnermut kiffartuussivinnut tamanut ammasunutt aamma - isumannaatsumik attaveqaqatigiinnermik kiffartuussivinnut aammalu pisortaqaarfinnut aamma suliffeqarfinnut, Center for Cybersikkerhed-ip sillimaniarnermut tunngatillugu ilimasaarilluni kalerrisaarineranut atatillugu.

2) Data-t ingerlaarnerinut takussutissat pisortaqarfinnut imaluunniit suliffeqarfinnut aallaaveqartumik attuumassuteqartunut ingerlateqqinnejarsinnaapput.

*Imm. 6.* Imm. 1-miit 4-mut apeqquaatinngagit, § 6 a-lu malillugu, Center for Cybersikkerhed-i isumannaallisaalluni pinaveersaartsillunilu teknikkikkut misissuinerminut atatillugu pisortaqarfimmi suliffeqarfimmilunniit sulisut pillugit paassisutissaniq ingerlatitseqqiisimmaavoq sulisut pineqartut kinaassusaat isertorneqarpata.

**§ 17.** Data-t, kapitali 4-mi taaneqartut, piiarneqassapput, suliarinninnermut siunertaq anguneqarpat.

*Imm. 2.* Suliarinninnermi siunertarineqartoq anguneqarsimannngikkaluarpuunniit, tak. imm. 1, taava

- 1) data-t, isumannaallisaanikkut pasitsaassisoqarneranut tunngassuteqartut, sivisunerpaamik ukiuni 5-ni toqqortaatigineqarsinnaapput,
- 2) data-t, isumannaallisaanikkut pasitsaassisoqarneranut tunngassuteqanngitsut, kisiannili pisortaqarfinneersut, annerusumik immikkut ittumik nunanut allanut-, sillimaniarnermut-aammal uillersornissamut politikkikkut tunngassuteqartut, kiisalu suliffeqarfinnut kattuffinnullu tunngassuteqartut, immikkut ittumik pissutsinut pingaarutillit, sivisunerpaamik ukiuni 3-ni toqqortaatigineqarsinnaapput aamma
- 3) data-t allat, isumannaallisaanikkut pasitsaassisoqarneranut tunngassuteqanngitsut, sivisunerpaamik qaammatini 13-ini toqqortaatigineqarsinnaapput.

*Imm. 3.* Imm. 2-mi killissarititaasut Center for Cybersikkerhed-ip data-nik pineqartunik piffissami nalunaarsuineraniit atutissapput.

*Imm. 4.* Center for Cybersikkerhed-ip data-t pineqartut backup-ii imm. 1 aamma 2 malillugit killissarititaasut naaneraniit qaammatit 4-t angullugit toqqortaatigisinhaavai. Center for Cybersikkerhed-ip qulakkiissavaa, backup-inik data-nik tigusinermi, data-t pineqartut siusinnerusukkut imm. 1 aamma 2 malillugit piiarneqarsimasut erngertumik piiarneqaqqissasut.

*Imm. 5.* § 16 malillugu data-t pisortaqarfinniit imaluunniit suliffeqarfinniit aallaaveqartut allanut ingerlateqqinnejarsimagaangata taava imm. 1 aamma 2 data-nut pineqartunut atutissanngillat.

*Imm. 6.* § 6 a malillugu isumannaallisaalluni pinaveersaartsinermut atatillugu teknikkikkut misissuinermi data-t Cyber for Cybersikkerhed-ip iserfigisinnaaligaani, paassisutissat inunnut tunngasut data-ni pineqartuniittut, piiarneqassapput imaluunniit kinaassusersisinnajunnaarneqassapput, isumannaallisaalluni teknikkikkut misissuineq naammassineqarpata. Center for Cybersikkerhed-ip paasiguniuk, data-ni pineqartut inummut tunngasunik paassisutissaniq imaqartut, taava taakkua piaartumik piiarneqassapput.

*Imm. 7.* Imm. 2-mi, nr. 2 aamma 3 malillugit piffissaliunneqartutuut piaanissaagaluqaq piffissami sivikitsumi atorunnaarallartinneqarsinnaavoq, Center for Cybersikkerhed-ip suliassaanut tunngatillugu tamanna pingaarutilittut pisarialittullu nalilerneqarpata. Isertortumik paasiniaasartunik nakutiginnittut piaartumik atorunnaarallartitsinermik ilisimatineqassapput 1. imm. malillugu aamma atorunnaarallartitsinermut tunngavigisaq pillugu.

**§ 17 a.** § 17 atuutsinnejassangilaq, § 6 b malillugu pisuusaartsilluni saassunnejartussatut data-nut toqqortanut imaluunniit § 6 c-mi ilagtinnejartutut aaqqissugaanikkut tiguneqartunut,

Center for Cybersikkerhed-ip data-t pineqartut annertunerusumik nalilersugassanngorlugit tigunngippagit. Data-t pineqartut piaarnerpaamik piiarneqassapput. Center for Cybersikkerhed-ip data-t pineqartut annertunerusumik nalilersugassanngorlugit tiguppagit, taava piaaneq § 17-mi malittarisassat malillugit pissaaq.

## Kapitali 8

### *Upalungaarsimaniarnermi periussissat*

**§ 18.** Center for Cybersikkerhed-i teknikkut aamma aaqqissuussaanermut tunngatillugu kinguneqaatissanik naleqquttunik aaqqissuussissaaq, paasissutissanik piaarinikkut imaluunniit unioqqutitsinikkut piiaanissamut, tammartitsinissamut imaluunniit ajortumeerinissamut, aamma pinngitsoortinniarlugit, susassaqanngitsut ilisimasaqalernissaat, data-t atornerlunneqarnissaat imaluunniit inatsisit unioqqutillugit suliarineqarnissaat.

*Imm. 2.* Paasissutissanut, allanit pissaanilinnit soqutiginarsinnaasunut tunngatillugu, Center for Cybersikkerhed-i kinguneqaatissanik naleqquttunik aaqqissuussissaaq, sorsuttoqaleriataarsinnaanerani imaluunniit assigisaanik pisoqariataarsinnaanerani piiaanissamik imaluunniit suujunnaarsitsinissamik periarfissiisunik.

## Kapitali 9

### *Paasissutissanik inunnut tungasunik suliarinninnermk nakkutilliineq*

**§ 19.** Isertortumik paasiniaasartunik nakkutilliineq, tak. § 16 Politiit isertortumik paasiniaasartui (PET) pillugit danskit inatsisaat, malillugu Center for Cybersikkerhed-ip paasissutissanik inunnut tungasunik suliarinninneranik nakkutilliineq ingerlanneqassaaq kapitalimi uani malittarisassat malillugit.

*Imm. 2.* Nakkutilliisut ingerlatsissapput allanut attuumassuteqaratik.

**§ 20.** Maalaartoqarneratigut imaluunniit nammineq piumassutsiminnik nakkutilliisut misissussavaat, Center for Cybersikkerhed-ip kapitali 4-mi, 4 a-mi, 6-im 7-milu malittarisassat malinneraat, paasissutissat inunnut tungasut suliarinerini.

**§ 21.** § 20 malillugu nakkutilliisut suliaminnut tunngatillugu Cyber for Cybersikkerhed-imut oqaaseqaateqarsinnaapput.

*Imm. 2.* Nakkutilliisut forvarsministerimut ilisimatitsissuteqassapput pissutsinik, nakkutilliisut naliliineratigut forvarsministerimut ilisimatissutigineqartariaqartunik.

*Imm. 3.* Center for Cybersikkerhed-ip immikkut ittumik nakkutilliisunit oqaaseqaatigineqartumi piumasarineqartoq malinngippagu, tak. imm. 1, taava center-ip tamanna pillugu nakkutilliisut ilisimatissavai aamma kinguarsaanertaqanngitsumik forvarsministerimut suliaq aalajangigassanngorlugu tunniutissallugu.

**§ 22.** Nakkutilliisut Center for Cybersikkerhed-imut paasissutissaq sunaluunniit piumasinnaavaa imaluunniit suulluunniit tigussaasut piumasinnaavai, nakkutilliisut sulinerannut tunngaviusut.

*Imm. 2.* Nakkutilliisunut ilaasortat aamma nakkutilliisut allattoqarfiat kinaassutsimik uppernarsaanikkut, eqqartuussivillu aalajangiiteeqqaarnagit, ininut tamanut, suliariinninnermi ingerlatsiviusunut, Cyber for Cybersikkerhed-i sinnerlugu ingerlanneqartunut, siulersorneqartunut, paasissutissanik iserfigineqarsinnaasulimmum, suliarineqartunut, imaluunniit teknikkikkut atortunut toqqorsivinnut imaluunniit teknikkikkut atortunut atorneqartunut isersinnaatitaapput.

*Imm. 3.* Nakkutilliisut Center for Cybersikkerhed-i allakkatigut oqaaseqaatilioqqusinnaavaa piviusut pillugit aammalu eqqartuussiveqarnermut tunngasut pillugit.

*Imm. 4.* Nakkutilliisut noqqaasinjaapput, Center for Cybersikkerhed-imit aallartitaq najuutissasoq suliariinninnermut tunngatillugu nassuiaasussatut.

**§ 23.** Pisortat ingerlatsinerat pillugu paasitinneqarsinnaatitaaneq pillugu inatsimmi, § 6 minillugu, malittarisassat nakkutilliisut sulinerannut atuutinngillat.

*Imm. 2.* Pisortat ingerlatsinerat pillugu inatsimmi kapitali 4-miit 6-imut, aamma inunnik paasissutissanik suliariinnittarneq pillugu inatsimmi nakkutilliisut sulinerat ilaatinneqanngilaq.

**§ 24. (Kalaallit Nunaannut atuutsinnejalissanngilaq)**

Kapitali 9 a

*Pillaatissatut aalajangersakkat il. il.*

**§ 24 a.** Akiliisitaanermik pillarneqassaaq, allamik sakkortunerusumik pillaasoqanngippat inatsisit allat malillugit, pineqartoq, § 7 b, imm. 2 malillugu peqqusummik malinninngitsoq.

*Imm. 2.* (Kalaallit Nunaannut atuutsinnejalissanngilaq)

*Imm. 3.* Suliffeqarfiiit il. il. (inuit inatsisitigut pisinnaatitaasut pisussaatitaasullu) pillarneqarsinnaatitaapput pinerluttulerinermi inatsimmi kapitali 5-imti malittarisassat malillugit.

Kapitali 10

*Atuutsinnejalernissaanut aalajangersagaq*

**§ 25. Peqqussut atuutilerpoq (**ulloq ikkutiguk**).**

*Imm. 2-5.* (Kalaallit Nunaannut atuutsinnejalissanngillat)

*Tunniunneqartoq xx, ulloq yy*

*Kunngisut Atsiorpugut Naqissusiillatalu*

**Formatert:** Dansk

MARGRETHE R.

/ Trine Bramsen